

食貨志卷之二

卷之二

食貨志

戶口起
至物產

止

計六十四頁

仁壽縣志卷二

食貨志 戶口 保甲附 物產

戶口

隋隆山郡戶一萬一千四十二唐開元陵州戶三萬四千七百二十八戶宋太平興國中陵州主戶一萬二千三百九十二客戶一萬三千一百一十五崇甯中隆州三萬二千八百五十三戶十萬四千五百四十五口國初招集九十二丁乾隆五十四年彙報糧戶共二萬四千一百五十五戶男婦共九萬三千五百四十六丁

仁壽縣志 卷二 食貨志

一

口嘉慶七年二萬九千九百四十九戶男婦共十二萬五千零八十六丁口十七年彙報糧戶共三萬四千九百五十四戶男婦共十五萬四千八百一十七丁口道光元年四萬八百七十三戶男婦共十九萬四千零二十六丁口十年四萬九千三百九十九戶男婦共二十三萬六千五十二丁口十七年五萬四千三百一十戶男婦共二十五萬八千六百六十五丁口同治四年六萬八千二百五十二戶男婦共三十萬零二千九百六十六丁口

保甲附

道光三十年編聯保甲三鄉六十五處三百零七保本
城十三保東林鄉朱家橋十保順龍場一保青岡了六
保分水舖二保虞家場一保彭家場三保五顯場五保
趙家場五保滿水井五保鍾祥場七保觀音橋八保鎮
子場八保五皇場三保寶珠場五保張家場十一保松
峰場六保迴龍場三保復興場二保青風場一保汪家
場五保查家場七保碗廠四保涂家場二保祿加場五
保寶馬場五保安下鄉富加場十三保謝菴寺三保北

仁壽縣志

卷二

食貨志

二

斗鎮七保鴨子池一保龍橋一保張家橋四保梧桐寺
五保馬家溪二保向家場六保方家場九保石金岡四
保和家場十四保週龍場四保玉龍場三保順和鄉大
滑石六保文公場十保撫均場一保鼇林場三保高家
場八保古佛場二保圓通場五保觀音寺場五保大林
場五保老君場四保太平場二保白壩場四保龍居場
七保光相場三保楊柳場四保里仁場二保允興場一
保清水舖六保石膏舖二保藉田舖十一保古佛洞三
保蘇馬頭三保秦皇寺三保尖茶溪五保府河邊二保

黃龍溪一保縣令史致康勦興

史致康保甲章程略一鄉中大而場鎮小而庄村或千家數百家及數十家俱按各街巷之橫直長短單面街挨編台面街對編自第一家至第十一家內以一家擇爲牌長以統十家爲一牌自第一牌至第十牌爲一百一十家內以十家牌長外以一家擇爲甲長以統十牌長共此一鄉大小村鎮遠近總在十餘里內多以十一二甲少以八九甲設立一保正統之其寫遠孤村不過數家者卽於其中擇一年力精

壯曉事者爲牌頭謂之畸零牌歸於附近之甲長兼統之如路旁孤店及山中一二人家旣不足牌謂之畸零戶附於就近之牌長以歸統屬以便稽查如編至末尾剩有四五家卽附入末牌之內如有六七家另編一牌謂之畸零牌至各鄉山居人戶尤不能拘定十戶一牌總期與牌長居近者編爲一牌無論七八戶或十餘戶凡紳衿兵丁店舖菴觀寺院一體編聯一各保正甲長清查戶口分給門牌查拿盜賊是其專責民間口角細故排解理息凡遇婚姻田土一

應詞訟不准將該正長列入証見該正長等亦不得從中扛扶賄和勒罰把持如有此等情弊加倍懲處一保正爲一鄉表率每逢朔望宣講 聖諭以廣教化一各保正凡遇本鄉公事概許印用圖記具稟可毋到堂倘有地方緊要事件須面稟者上堂於公案前跪叩畢侍立一旁回話其甲長遇須親到事件跪稟後起立候諭如因自己私事告人或被人控告仍照常例跪聽審訊一保甲內如有孝子順孫義夫節婦該保甲查實稟官酌給匾額其餘如好善樂施拾

仁壽縣志

卷二

食貨志

四

金不昧等類善事亦應報官獎勵以示儆勸一保甲內如有不孝不悌窩娼招賭酗酒鬪毆挑唆詞訟依附邪教拜把游蕩結交匪類招集大夥販賣私鹽私宰耕牛誣人搶擄作歹爲非等事該牌甲保務當實力稽查隨時稟官究辦勿得容隱干咎一牌頭凡奉行稽查一切公事敢有藉端需索錢文擾害各戶者該甲保立挈送官究辦一本牌內各戶須聽牌頭管束稽查如有抗違不聽管束者許牌頭投知甲保稟究一凡開店生理者每日用簿登記其南來北往一

行幾人有無貨物馬匹器械如無行李貨物來歷不明之人不許客畱住宿仍投知牌甲保等盤拿其菴觀寺院有遊方僧道亦註簿稽查一甲內水次往來船隻停泊碼頭責令各該處牌頭甲長於每日薄暮時親往泊船處所逐船稽查如有言語支吾形跡可疑之人與船戶人等一併立拏送縣究辦一甲內如有外來惡丐及遊方僧道估討硬化許保正集齊甲眾卽時驅逐並知會附近保正挨次驅出縣治境外一牌內各製更鑼夜令各戶替換巡更甲長處更設

大鑼一面以備同聲相應務期一牌鳴鑼十牌相應一甲鳴鑼各甲聞聲齊備若非水火盜賊緊切之事一概不准鳴鑼一本牌內遇有盜匪卽鳴鑼集眾圍拏其附近各牌聞聲亦速鳴鑼接應幫拏倘盜匪逃竄務各追獲送官究治不得拘執擅殺倘賊犯持仗拒捕照例格殺勿論

食貨志

物產 穀 蔬 果 木 竹 卉 花 藥 毛
羽 鱗 介 蟲 貨

雍正二年

上諭朕惟撫養元元之道足用為先朕自臨御以來無刻不厯念民依重農務本業已三令五申矣但我國家休養生息數十年來戶口日繁而土田止有此數非率天下農民竭力耕耘兼收倍獲欲家室盈甯必不可得周官所載巡稼之官不一而足又有保介田畷日在田間皆為課農設也今課農雖無專官然自督撫以下孰不

仁壽縣志

卷二

食貨志

六

兼此任也其各督率有司悉心相勸並不時咨訪疾苦有絲毫妨於農業者必為除去仍於每鄉中擇一二老農之勤勞作苦者優其獎賞以示鼓勵如此則農民知勸而惰者可化為勤矣再舍旁田畔以及荒山不可耕種之處度量土宜種植樹木桑柘可以飼蠶棗栗可以佐食柏桐可以資用即榛楛雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦為民利不小至孳養牲畜如北方之羊南方之豕牧養如法乳字以時於生計不無裨益

總之小民至愚經營衣食非不迫切而於目前自然之利反多忽略所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可還淳爾督撫等官各體朕惓惓愛民之意實心奉行倘視爲具文苟且塗飾或反以擾民則尤其不可也
特諭

雍正十三年

上諭洪範庶徵凡雨暘之愆和關人事之得失所以著感應之理使修人事然水旱之災雖堯湯不能免惟有勤

仁壽縣志

卷二

食貨志

七

恤民隱竭力補救可以化災沴而成太和總在積至誠以昭假不可萌一念之欺罔也督撫身任封疆重寄奏報收成分數乃關係地方民命必確實無欺始得議行蠲賑以甦民困朕平日畱心此事見各省陳報收成分數或有只據一方豐歉數目爲定雨水過多之處以高阜所收爲準亢旱時有之年以低下所穫爲準並不分析某處豐收某處歉穫其意祇圖粉飾以邀感召和氣之名而不知卽此一念欺罔已爲獲罪于君獲罪于民而獲罪于天矣朕豈肯姑貸此等督撫以爲民害耶嗣

後務各警省所奏報各地方收穫分數不得絲毫假飾
以干重戾特諭

乾隆五十二年頒

御製雞雛待飼圖墨刻待飼摹李畫吾心重念之設如歉
歲值誰救小民饑獨我誠深懼諸臣願共思子輿舉稷
語應各慎攸司偶詠宋人名流集藻畫冊中李迪雞雛
待飼圖惻然有懷於灾穰饑民之無救也因摹其畫卽
用迪題畫韻成什命勒石以示爲民父母之官題李詩
並書於左雙雛如仰望其母竟何之未解東場啄誰憐
仁壽縣志 卷二 食貨志 八

空腹饑展圖一絜矩觸目切深思灾穰民待哺慎哉勤
有司

御題耕織圖璣衡七政所以授時農桑二端斯爲本富夏
后則三壤之賦粒食思艱邠風陳七月之詩授衣紀候
朱紘青縹祀分南北之郊帝藉公桑事重陰陽之帥是
以七十二候之解時訓載在周書四十五日之功風俗
詳於漢制禾傳嘉穀紀同穎以陳篇繭貢名都述八蠶
而鍊賦厥有成績備識前聞洪惟我

祖

考政先治本念切民依時逢東作

加推隆躬藉之儀典溯西陵獻種襲親蠶之禮五行順令
屢豐已荷降康六德呈祥續績聿彰設采然以下民之
力作編戶之辛勤

帝心時軫夫艱難民事不遺其纖悉爰

命圖釐耕織析其目為廿三

弁以篇章仍其題為卅六

大文炳曜合

三聖而同符巨帙裁編垂億年而無斃予小子敬承

仁壽縣志

卷二

食貨志

九

鴻業寅荷丕基綏萬國以圖甯願躋含哺之化合四秩以
省歲冀敷挾纊之恩披寶繪以流觀殷懷蒨屋誦

天章而步武嗣響

薰絃惟本思艱圖易之謨廣為趨事赴功之勸原夫芸生
類別首尊后稷之名味美功多尤在稻人之掌先甲坼

而浸種出籽粒於隔年益益香浮珠顆紅粟池塘水暖

鍼漾白芽

浸種

先事維耕

耕

勤耙耨而無虞草宅

耙耨

覆耕

日杪

杪

轉碌礪而彌見土肥

碌礪

然後族布連畦恂恂若

幼秧芒初刺水簇簇生新

初秧

蔭取於塗無忘土化之法

淤拔胥以萃適諧茅茹之占拔秧插六莖於熟田馬馳秧

隴秧插等一墪於始播烏扶芸夫耘除無用之苗意主乎

勿參勿二植先生之植功習乎至再至三二耘三耘猶且慮

龜圻於夏畦防止瀦蓄灌漑戒禽享於秋坂橫鏃劔鎌收

滯穗盈塋指屈登場之候登場築場九月肩頰持穗之悞

持穗村春水碓之旁籠篩糠而灑灑春碓簸日揚風之候

礪礪穀以隆隆簸揚乃得百室俱盈白粲入千倉之詠

入三時告稔黃冠祭八蠟之神祭具悉胼胝可忘耕作

若乃機中縷縷之錦何異盤中粒粒之殮令溯仲春辰

仁壽縣志 卷二 食貨志 十

躔大火龍精急躍輕舒蠶月之風蛾子玲瓏清浴菜花

之水浴蠶膚滋白色七日為期二眠候驗黃光半葉而飼三眠

起尤健食昕朝聽簌簌之聲大起捉處透明照日蘊絲絲

之緒捉緒雜槃筐於葦箔織簿深閨箔分錯梯几於桑林提

籠南陌采桑經營布簇藉插茅編竹之功上簇熏灸成温分

候火撥灰之課灸箔迫夫摘來似甕稱量籠籠之重輕積

得如山檢點蛹蛾之變化下簇下竹簣而上桐葉一窖

泥封窖北熱釜而南冷盆幾車縑就練搥箱連紙護蟻

粟以罽絲蠶壇壇瓣香仰駟房而設醴祀簞筭徐引擬

緯未於小正緯綜躡相連昉織文於禹貢織豈待蟲鳴

驚婦絢絡秋鐙絲絡宛如鳳下街梭縷經宵杼經筐筐五

色擅移花接葉之工染色攀花刀剪萬家除短布單衣之厯

剪帛成衣是則眷綢繆於織室無殊軫拮据於租庸民生在

勤觸目皆丁男丁女君孰與足關心惟新穀新絲所願

戶積倉箱頌大田之多稼家勤機杼賦蠶織以勿休受

之饑受之寒予一人職思其咎有餘粟有餘帛爾萬姓

適求厥甯景仰徽猷永矢誠民之義詠歌勤苦羣知敦

俗之心

仁壽縣志

卷二

食貨志

十一

浸種

青陽序肇始兆庶力田疇藏種筠籠貯隔年堅粟收清

箱滿盆盞佳實浸汀洲三日秧鍼起從茲東作修

耕

綠畦新水活穡務始於耕雖藉烏犍力先勞赤足行泥

翻畎畝闢波漾淺深盈舉趾土膏動化機地底萌

耙耨

深耕繼易耨次第紀田功人踏微波面牛牽積淖中短

簣難障雨破笠不遮風水陸皆宜用胼胝南北同

秒

方春農事接扶秒下深渠蕩滌溪泥細疎通地氣舒策
牛田父急驅犢牧童徐沒膝涉淤滓庶期深淖除

碌礪

耨秒序咸度方施碌礪平勻泥依軌直旋軸濺波清器
本隨宜制功由運掌成樞機轉不息磊塊漫牽縈

布秧

田畦旣平治嘉種布芳津埂堰沿溪直陂塘漾水勻涉
波盈百頃播穀趁三春稠密無行列移栽待候循

仁壽縣志

卷二

食貨志

三

初秧

布種盈畦畛授時春已深溶溶遮穀面簇簇茁秧鍼浥
雨根滋隴含風香滿潯老翁閒策杖茂對足娛心

淤蔭

土化沿周禮鳩鳴序不淆農家無暇豫地脈有肥磽刈
草良苗茂灑灰短杓拋滋生先納垢至理味衡茅

拔秧

韶光度九十節物近清和柔毯鋪青甸新秧滿綠波移
根透積淖拔穎出圓渦越隴蒔南畝連塍荷擔多

插秧

好雨潤阡陌蒔秧首夏時
隔隄羣力作終畝共忘疲
疎密排成列縱橫務合宜
伫看千頃遍嘉穎漾清漪

一耘

良苗初發候稂莠必先除
耘治勿畱稗芟蕘以漸鋤
分畦滌陳草隔隴注清渠
豐茂庶符願含颺蕤蕤舒

二耘

再耘近炎暑揮汗敢辭勞
日炙畦波溽風來陌樹高
開襟扇頻颺饋餉婦親操
寄語治民吏堂餐忍濫叨

仁壽縣志

卷二

食貨志

三

三耘

去疾莫如盡三耘始絕根
偃僂遍爬抉穠蓂望滋蕃
人事戒疎懶天功協潤暄
安良先斷莠治理念常存

灌溉

水利通溝洫田功茂育加
桔槔流響逸穉稔漾芬賒
隔堰波翻影盈疇浪疊花
踏歌忘力倦柳外日西斜

收刈

耕春繼耘夏勤苦逮深秋
農務三時接嘉禾千畝收
腰鎌刈畦畔背負度堤頭
遺穗兒童拾連腔晚稼稠

登場

萬寶幸成熟登場慶老農充盈皆玉粒堆積若崇墉勞力甫田獲慰心稔歲逢所欣免債負百室樂熙雍

持穗

年康徧堆積曝曬趁秋晴鋪穗如茵厚碾場若掌平連耒擊穰粘分粒擇華英恍見豐亨象沿村打稻聲

春碓

民力真艱苦農功無暇時曉春依破壁夜碓隔疎籬願協田禾熟心知節序移索綯亟乘屋已近禦寒期

仁壽縣志

卷二

食貨志

十四

簾

杵臼事差畢仍須用竹簾精華益珍貴糠粃不留遺敢忽田功細相忘手力疲重農爲政要稼穡必先知

簸揚

欲令精粗判臨風試簸揚聲輕如散雨影細乍流香箕帚收宜淨斗升謀實藏未能忘歉歲多貯爲畱防

礮

礮礪及時用軸旋共挽推摩肩揮汗雨礪齒響殷雷珠顆勻圓瀉穀皮磊落堆稼成誠不易敦俗勸栽培

入倉

西成繼粟烈分貯萬倉箱力作無間暇功收有益藏完
租消宿債足食積餘糧顆粒皆辛苦臨民勿怠荒
祭神

田祖司多稼庶民報祀誠升香騰瑞靄擊鼓和歡聲獲
稻實倉廩知時順雨晴披圖表永慕務本厚蒼生

浴蠶

衣裳始上古教織自西陵考禮婦功重浴蠶績事興化
生喜溫暖澣濯避嚴凝盆漾柴灰水勻齊時可乘

仁壽縣志

卷二

食貨志

五

二眠

治室務精潔初生連蟻微布筐置槌架移箔捲簾幃頻
以柔桑飼毋勞纖手揮二眠須靜待色變候無違

三眠

已近清和月黃花映箔初三眠宜少飼一罇不令疎晝
夜功無間平勻葉有餘挑燈頻起驗勤視寸心舒

大起

倏度三眠序脫膚大起時足腸盈眾箔健食蘊千絲心
已隨春老室須向暖移桑乾飼無歇奚用露華滋

捉績

欲老食偏健雨聲隔戶聞
灸盆火須熟捉績視宜勤
減飼絲將足依時箔欲分
練光瑩似玉珍惜勿紛紜
分箔

春深益滋長薄箔遍分藏
眠起驗無舛衆多虞有妨
迴環結萑葦高下置槃筐
充棟皆排架頻年喜美穰

採桑

採葉供蠶食季春碧滿林
桑柔鋪有蔭絲老結無心
筐負條微折鈎輕榦未侵
芳郊甘澤洽落甚小童尋

仁壽縣志

卷二

食貨志

六

上簇

絲腸欣旣足通體現晶瑩
布箔必稠密編茅務穩平
簇登草勻插網入繭徐成
善欲關豐儉審宜貴致精

灸箔

陰寒釀梅雨比戶下帷簾
箔上繭將作爐頭炭漸添
舍生緣避冷本性豈趨炎
緩灸休過燥功勤晝夜兼

下簇

鄰里欣相賀家家蠶事成
勻圓雪光皎錯落玉輝瑩
下簇分多寡聚籠衡重輕
用功常不懈始得萬絲盈

擇繭

眾繭須精擇因材用不同化蛾作佳種排箔引涼風首
選織絰美次供錦絮充由來無棄物器使在虛中

害繭

藏繭置深甕沿堤荷插從布桐看疊疊鋪簣襯重重窖
地鹽微摻埋原泥密封出繰待七日潤澤倍鮮穠

練絲

離坎功相濟經綸展蘊藏瑩瑩翻釜燦軋軋轉車忙撥
緒箸抽繭繰絲手探湯工夫漸成熟隔牖浥清香

仁壽縣志

卷二

食貨志

七

蠶蛾

揀擇作新種槌箱紙四圍子生勤覆養蛾化任分飛蕩
漾隨楊陌翩翩翻傍葦磯如山復如粟珍護待春歸

祀謝

蠶成申報祀虔謝望豐穰天駟輝騰迴西陵澤衍長香
昇陳滿几絲獻祝盈箱衣被免寒凍抒誠遍里鄉

緯

橫絲互旋轉紡績用功初錢眼貫成緒繰星引就車周
迴繳樞速圍繞度筒徐次第法精細從此杼柚舒

織

作帛織機始宵燈照戶阿堅持寸心靜不學萬絲多綜
躡難停杼縱橫頻擲梭七襄紀小雅光彩燭星河

絡絲

繳軀繼張柅絲縷勿縈紆牽引絡于簾貫穿度自孳挑
燈宵正永轉軸腕忘劬力作休言倦計功課小姑

軀音助

經

層層排絡簾上架往來牽眾縷有條貫一心善斡旋鳴
機得頭緒運軸自綿延綸綍應加慎如絲勿妄宣

仁壽縣志

卷二

食貨志

六

染色

絲成皆潔白染練煥縑緗璀璨萬條理陸離五采彰雲
霞昭賁飾黼黻佐文章朱綠元黃備含輝咸質良

攀花

巧擅女工首雲章繪素縹緯經合樞紐心手應高低運
掌絲無舛擲梭花漸提織成由意匠何處覓端倪

剪帛

帛成良不易欲剪復低徊珍惜勞心製奚容信手裁乍
看千縷合倏見百花開尺寸休輕棄都從辛苦來

成衣

已屆授衣候成裳庶庇身翦裁度修短鍼線細縫紉無
褐憐昏墊忍飢厘苦貧農桑邇治本題繪憫黎民

穀屬

稷似秬而粘味甘北人通謂穀俗呼小米爲五穀之長
夏末秋初穗出如犬尾畦邊隨種可飯可釀可蒸糝
稻卽不粘穀早爲稻晚爲粳邑惟稻有水陸二種陸稻
不必浸種分秧但耕田下子性耐旱宜於高阜水稻稌
也三月下種四月插秧七月收穫皆宜壩田溝田引大

仁壽縣志

卷二

食貨志

九

江或小溪堰水山田坡田引嶺頭或均口塘水不分水
田乾田均藉灌溉水滿泥滑深犁再耨分秧順河壩上
常遲十日及穫東林山間常多十日田肥白水種瘦包
糞近老山冷多加石灰油枯溫之穫尤晚總之不宜旱
糯穀卽粘穀爲秫俗呼酒穀堪作酒宜肥美田亦蒸搗
爲糝或炒米花熬餈糖

麥有大麥名牟甘酸而滑俗呼旱麥爲釀爲醋爲食又
毛麥殼多刺油麥有油臭或皆以飼牲畜唯小麥名來
甘微苦最佳呼遲麥可爲麩晒醬熬糖磨粉爲麩餅又

一種燕麥穗似稻而稀穗短而子繁苗蓬蓬起小於小麥呼陀陀麥亦佳都三四月間收順和田可不瀦水冬種麥數百頃龍居場一帶亦盛縣南東土宜木棉麥收遲少種東林遍山野種之

蕎莖弱而翹然易長有甜苦兩種苦飼豬甜磨粉爲麵餅食歲兩收春種五月穫伏種九月穫東林山谷中種甚茂

黍粟屬有二種粘爲秬釀酒不粘爲黍土宜高燥大暑而種東林多夏初布子卽生苗穗似稻穗稍短而子差仁壽縣志

卷二

食貨志

三

小小於小米大如芥子而光滑甚今呼水子早秋收可粥儲之倉踏其上如沉水底不能起
秬呼天仙米比於秠小而粘種甚早百日可收用如胡麻而不香

御麥卽玉蜀黍俗呼包穀苗葉似蜀黍而肥四五月開花成穗如秠麥狀苗心別出一苞粒如稷魚子順和觀音寺高家場及古佛洞一帶種遍野東林何家場甘泉鎮迄松峯場一帶亦種汪家場近老山間種尤盛他處以礙木棉種甚少可炒爆花或磨爲餅食槽房以作酒

渣餵豬

高粱卽秫米名蜀黍一名蜀秫梗高長如釣魚竿穗緊密蓬垂如蓑衣萇結子少爲甜梁莖甘如蔗善泄溼氣清江水以南產之龍居場一帶亦盛春種夏收畝可一石以釀酒芳冽甲御麥

胡麻卽芝麻漢張騫自大宛得油麻種來故曰胡麻有黑白兩種花下垂結子向上通種白新土子愈茂臭香氣滋潤可炒食潤肺滑腸榮肝舒筋或搗末取油曰芝麻油生飲爲醬曰芝麻醬

仁壽縣志

卷二

食貨志

三

豆卽菽有胡豆本西域種一名蠶豆可備春糧入鹽水晒爲豆油黃豆可醬可豉可芽可腐或爲皮可榨油可炒爲果菜豌豆或作胥豆彎豆回回豆可摘莖及子和甲煮食又白麻二種通利等蠶豆謂之小春可爲粉菜豆亦可芽釜爲粥黑豆紅豆呼飯豆青皮豆花豆四季豆刀板豆紅白豇豆狗爪峩眉二豆扁豆均煮食宜山谷平原惟胡豆黃豆豌豆最多

蔬屬

芋皆種葉似荷而長根大曰芋魁又曰芋頭俗呼芋娘

溲小曰芋子皆曰蹲鴟古詩大飢不飢蜀有蹲鴟有香芋頭最大生無數乳食之粉而香俗呼狗爪芋初生梗一叢葉亦小他種一梗大葉芋不及其種水田中者曰水芋食之有水氣以肥豕其不種而生者山芋一曰羊芋煨之可食其種陰土只獨梗滿黑斑點頂張葉如傘根大如椀者曰鬼芋卽蒟蒻磨作腐色黑曰鬼豆腐苕卽諸甘可爲糧又曰薯蕷來自南夷紅白兩種瘠土沙土亦宜大如肘或如瓶春布種種生藤夏割七八寸栽行行毋乾又生藤苗割飼豬秋挖苕畝可七八百斤

仁壽縣志

卷二

食貨志

三

藏苕窖可生啖可蒸煮煨可作粥可參脫粟飯可切晒乾炒作菓可磨粉可熬餠釀酒備荒第一物三鄉都種又有脚板苕狀如脚板紅白兩種刮其皮著手麻煮極熟食甚佳又有野苕生穴澤山坡滿藤蔓根結實呼牛尾苕卽山藥若牛尾然掘地丈餘取盈箕老山中多有之

晚菘俗呼白菜亦名黃芽菜沙土產者無筋而脆方生葉片束而泥草蓋之冬春間采俗呼蒿心白菘類有青菜可釀爲菹拌米煮爲粥牛皮菜葉圓而厚如牛皮苦

蕘菜味苦而涼詩葶茶如飴卽此雞冠菜葉缺如雞冠
莢菜一呼無心菜其葉細者菠菜俗呼扯根菜卽菠菜
種出西國莖柔脆中空葉綠膩根獨赤而甜香菜有香
氣紅青菜深紅如血俗呼血皮菜莧菜青紅花三色冬
莧菜純青馬齒莧野生所謂莧陸亦可食又有諸葛菜
卽蔓菁俗呼油菜紅白兩種易起莖曰蕘莖摘莖炒食
最可口

茄一名落蘇有荷包牛乳異狀或白或青或紅或紫或
粉紅白四月食起至九月乃止亦可切晒爲茄皮茄絲

仁壽縣志

卷二

食貨志

三

浸鹽水醃爲酸茄鹹茄餠蒸乾爲甜茄不但備冬蓄

蘿蔔謂英卽萊菔一名蘆菔俗呼蘿布老皮裏筋如布
大或圓或長或紅白色土鬆脆帶沙生殖極蕃味較
美子辛烈疏利下氣止喘化痰破鬱生研吐老痰一種
小而長尺許心如皮紅味甜呼紅蘿蔔又一種名茄蘭
卽橈藍生龍水發源處十里許他處不生亦不長大
葉如菘而細根如萊菔極圓大者如碗小如盃炒食之
香脆

瓜數十皆種葉若木芙蓉結實嫩青老黃色曰黃瓜本

西域種卽胡瓜結實色深綠皮粗筋絲羅織曰絲瓜若枕圓長老生粉名地芝曰冬瓜扁如餅或長皤腹黃瓢本南番種曰南瓜斑如蝦蟆狀純苦亦南番種曰苦瓜如人肘長二尺許大腹頭稍幾如一曰瓠瓜形小碗大子多瓢不堪食曰西瓜如大碗而扁色如赤金曰金瓜較小而青或白入醬豉糖醋皆脆而香曰香瓜卽菜瓜入之醋甕爲加酸曰木瓜八月葉苦空其瓢皮堅以厚長而瘦上生成葫蘆曰匏呼葫蘆瓜一長杓下圓大爲眼汲水如瓢曰瓢瓜

仁壽縣志

卷二

食貨志

二

茗子性熱洒子乾田生蔓似野豌豆葉飼牛最良嫩尖可蔬其味甘曝之爲旨蓄荒年可爲糧子比萊菔子大將插秧灌田水沉浸之肥於糞

筍謂竹萌竹胎山谷原野四季皆有三月筋竹筍水竹筍味皆甘油竹筍苦茨竹筍夏初生微苦五月斑竹筍甘六月南竹筍亦甘質稍粗臘月掘卽冬筍七月慈竹筍有甘有苦又有蒿筍種出萬國亦美蔬櫻筍東坡有食櫻筍詩蘆筍一種色微綠味甘質脆甚佳

藕或塘池種之葉浮水面花或紅或白梗起蓮蓬中結

蓮子根卽藕均可生食熟食藕爲粉調服亦佳味子甘平益脾胃而固澹之性最宜滑泄之家心名蓮薏苦寒泄心火上炎

椿芽春生采香椿嫩芽

蕨薇東林老山叢生白爲薇紫爲蕨初生無葉狀如小兒拳可爲蔬食磨粉謂之蕨粉與藕粉同去胃熱

地耳子老山松林暑雨後滿地生

菌地蕈亦老山松林暑雨後滿地生有味不皆可食常毒殺人一種質如雞肉氣味亦同曰雞縱菌別地亦生

仁壽縣志

卷二

食貨志

三

薑本璿璣氣化而生能彊禦百邪無不種土帶沙更勝味辛氣溫乾略炒溫中散寒能令金降木升上下之熱俱退生者疏利通達下行肺胃降濁陰亦以發表

海椒皆種瘠土者辣小而朝天生尤辣大而肥厚者次之北人謂之秦椒陽裏壽數千畝產馳名

花椒野生臭不及蜀椒巴椒芳辣又一種生山林間結子離離和枝葉煎水曝豆油另一香味

蒜有苗薑子清江水以東子大如盃他處算子大瓣多而辣

韭名草鍾乳一名起陽草以其溫補腎肝秘精斂血暖
膝強腰故曰鍾乳

葱外直中空有恩通之象青謂之袍肉曰白諸物皆宜
又曰菜伯種良地三剪薄地再剪八月止呼火葱一種
四季葱臭味差減葱白辛溫發散升清氣之陷達陽氣
之鬱行經發表厥功爲多

薤根白呼藟子如小蒜一本數顆春秋分蒔冬葉枯薤
味辛氣溫善散胸膈壅滯葉亦可食

蓀荇一名胡荽張騫西域帶歸口誦藝語布種則滋茂

仁壽縣志

卷二

食貨志

三

芹園產或溪澗中野生亦香可蒔

芥似菘而有毛子辛溫利氣掃寒痰冷涎止喘甯嗽

陽合莖葉如薑初生傍根子純赤片片層包如花未開
秋末伴子薑另一種味

果屬

蕃豆卽落花生胡種一名胡荽青石山至松峰場遍山
種九月後驅豕一二百頭其中輒肥大古佛洞一帶亦
盛他處擇土種之生煮乾炒均香口俗以佐茶酒食亦
可榨油曰花生油

李杏酸棗雞棗梅板栗胡桃櫻桃柿梨石榴林檎
橘柑葡萄白果橙香菌枇杷間種唯梨李橘柑有園
甘蔗一西蔗莖小老霜色作饴一昆侖蔗肥壯卽紅蔗
一荻蔗肥白卽臘蔗昆侖蔗產清江水以北寶珠場至
富加場等地荻蔗同西蔗皆產安下盛其種法春初以
去秋蔗栽土芽萌節間覆之糞茂漿甘寒解酒清肺土
燥者宜陽衰濕旺服之寒中下利本草謂下氣止嘔亦
頗疏利不壅

木屬

仁壽縣志

卷二

食貨志

三七

松生清江水以南山地一望茂林皆松近老山質較脆
以爲材枝葉爲薪有油曰松脂子曰松果亦供炊汪場
南雙馬石千株兩母山下廖山十數株汪家嘴馬頭崖
十數株顧家沱數十株小者抱餘大二三抱順和龍居
場一帶山亦盛淨土萬壽寺間周十里許春夏交嫩梢
汁甘如蜜蜂蝶轟轟來不四五年一見貓貓崖二株最
古秦皇寺西南李叅軍墓一株尖茶溪郭寺一株大庄
窩一株蘭壩蔣宅後一株石金剛空心樹地二十三株
玉台寺一株碗廠西南張氏塋一株汪場林氏祠數株

大二抱以上小抱餘扶疎張蓋蒼秀異常一種生石罅間如馬草曰石松枝葉一色高四五寸耐旱冬不凋柏生清江以北北斗鎮迄三岔壩亦茂江以南稀且小但堅而油香勝聖廟文廟三十九株廳署一株飛泉山一株馳氏穴一株治北陳氏塋三株貴平寺五株寺前通濟橋二株觀音寺場西周溝品立三株甘泉寺一株只皮心空無梢中生一斑竹出其上如蓋疑樹葉富加場汪祠後十餘株有數獻賊火燒不死有痕生皮五六寸厚玉荷灣鄧祠後一株中空可安放大方棹一長檠

仁壽縣志

卷二

食貨志

三

四梧桐寺前一株東崖寺西崖寺門各一株文公菴一株隨廟枯榮半月山雲際山又有數百年古柏雙龍橋土地祠二株觀音橋李宅後山數十株東林第一高草墩一株自明以來不凋不長望如華蓋父子寺三株三慧寺四株蒲草塘毛宅後三株石柱寺一株鍾祥場西一株汪場五通堰二株雙馬石十餘株縣南尹氏塋一株汪氏塋外數株文公菴馬鞍山李氏塋六七十株又麒麟山十餘株皆黛色參天兩三抱大小或抱餘以上爲前朝柏

聖廟古柏陳韶湘詩翳斯山麓古丹墀雞勺麟瓶垂
鼎彝挈雲跳出瘦蛟立森森古柏形離奇柏勢撐空
向天擲大滿十圍高百尺上有棲鸞宿鳳之危峯下
有盤龍臥虎之怪石大木不逢老斲輪飽經霜雪彌
精神歷宋元明劫火外天畱柏壽千萬春柏有心堅
如鉄柏有幹皎如雪眼閱狀元宰相來瑞竹石笋同
不滅君不見漢殿崔巍柏梁臺雲飛雨捲空凡材方
今玉堂美輪奐杞梓梗楠安在哉如斯柏也伏草萊
杉沙木一作榡一又作粘似松而枝不繁一榦直上高
仁壽縣志

卷二

食貨志

三

七八丈出老山澗谷中葉如刺子如松果微長以爲薪
甘泉寺一株大三抱兩母山下廖山十數株大兩抱餘
烏柏又名鷓舅俗呼捲安下數十里地子落卽生東林
汪場近山一帶亦盛樹老不結子伐爲薪大者三四抱
鋸爲板水浸一年作藥棹相櫃最佳結子爲捲油
桐高僅丈餘三月花開淡紅結實如罌子出東林山谷
中有一家收數十石者子落地亦生他處種生不茂且
不耐久

梧桐卽榮桐處處有之直生無節皮青不散四月散花

黃結子成筴老裂如箕子綴邊

橙直性而質脆不三年材倍常可爲楹不但供爨江邊溪畔田塍遍種

桑最易生多種籬舍塍畝間葉極大兩三樹葉飼蠶得絲織四丈餘一疋大綢初取黑椹截去兩頭以中間堅栗者掘坎拌乾細柴灰種之生樹枝強茂葉肥或薄俟榦指臂大剪取大葉桑條接之自厚八九月更壓桑大枝至地護土生根可數株就生根處截栽他處先坑水攪泥漿濃厚舒其根下埋龜甲茂盛不蛀大麥亦可上

仁壽縣志

卷二

食貨志

三

厚土培築實間日澆冬就根掘穴糞土壅之五六月旱灌之潤蛀生削柏木釘之老而枯剔皮爲紙曰桑皮紙榦爲器用枝卽薪初葉肥嫩二葉澀蠶食不盡去之明春愈發以餵羊肥甚遠出細條悉伐去另長嫩條便無雞桑一法五月取椹著水中濯灑取子陰乾肥田十畝黍^大與椹子各三升三合和種俱生鋤令疏黍熟獲利鎌厯地刈桑曝燥火焚明春生一畝飼三箔蠶縣桑惟觀音橋鎮子場富加場盛

柘宜山石樹多刺葉亦可飼蠶繭黃

青岡古曰櫟曰橡栗曰杼栩曰械曰柞曰榭卽此冬間
子落地卽生一周後其葉青青可飼山蠶子可染皂枝
榦可爲薪爲岡炭龍居場一帶東林最多青岡林大者
一二抱文公庵上六七里山尖茶溪一帶皆盛以爲薪
古佛寺前山一株數抱大北斗鎮廖氏塋上一株四五
抱大枝亦抱餘布葉覆蓋十餘丈地青岡樹山一株亦
三四抱大汪家觜東崖一株四五抱大

柳號垂楊溪間道旁折枝插而生治前一株抱大一種
檉柳卽杞柳柅柳呼麻柳有水麻柳署側倉房邊二株

仁壽縣志

卷二

食貨志

三

汪場劉田壩一株李白渡三株皆四抱大一種山麻柳
出老山葉如櫟榭材細而綿高四五丈雷鉢坳數十株
皆兩抱大又一種檉柳呼觀音柳枝柔色赤葉細如絲
植家園中爲玩

椿古作棟作楠作樞有毛香二種毛椿老山抱大者皮
心赤如血可爲材香椿隨處生皆小

皂莢呼皂角樹高大野生十月采莢以爲澡去垢廳署
前一株豔陽洞後山一株考棚右一株將臺後一株城
西門坡一株治北茂梓坳一株南金錢坳一株小二抱

餘大者或四五抱

楷黃色榦枝疎而不屈呼黃連或呼黃林堅可材皮生蟲樹半空心縣署前觀音閣後四株南壇均李祠二株墓二株將臺後一株四面山李氏塋二株劉大人溝塋內十七株貴平寺十餘株汪場禹廟二株場南青鸞一株北白家崖二株黃連坳一株白崖東嶽廟三株西白菓屋基一株涂場南楊宅五株跳磴子一株迴龍場南十里獅崖一株龍鎮橋轎頂山一株青石山砦門一株道光中一枝枯而墮地火之得古箭頭十餘枚牛角砦

仁壽縣志

卷二

食貨志

三

前龍洞洞頂一株死復活三星橋一株張家橋下流馬鞍山一株雲際山一株石金剛南空心樹一株龍橋里許石鱗一株治東六里地名黃連樹一株大者四五抱小亦二抱有餘獨治北十五里高店子二株五抱餘大又一株與龍橋辜家巖一株皆十餘抱大爲縣第一楷樹

冬青俗呼凍青凌冬青翠子纍纍女貞別種惟子色赤女貞子黑皆野生

棟川爲最名川棟俗謂苦棟木高二丈餘葉密如槐而

尖皆野生

楮野生結實如楊梅呼構樹皮造紙

白楊木大而紋細生老山中一兩抱大

楠出老山中木香而細微藍如靛石礪巖畔生大有不止一合抱者材美甲白楊上鎮子場南懶板橙一株抱半大涂場東圓覺寺一株三抱大松峯場南里許一株兩抱大鐵佛寺二株抱半大

枘欄卽櫻高二三丈葉如車輪萃杪皮重疊裏其下爲繩爲褥爲屨爲蓑衣爲蠅拂有子櫻中抽出如魚子曰

仁壽縣志

卷二

食貨志

三

櫻魚亦曰櫻笋

黃荆野生喜石礦地清江水南最多刈肥田取曝乾作薪根盤半朽大二三尺異狀可玩樹有碗大者皆拳曲而礪礪一種曰山黃荆葉樹同獨堅細石金剛南二里一株兩抱大雷鉢坳一帶最多或一株兩抱大
榛樹不高結實桐子大取油可然燈老山一帶種之
相寺一二十里最盛

水冬瓜樹野生質細性開裂

青皮樹汪場禹廟後二株抱大

香樟出老山以爲薪香氣襲人

馬柳光出老山葉如榕樹歲脫皮更生材極堅細

糠頭樹出雷鉢坳葉有毛宜飼牛材粗疎甚

海楂樹野生兩母山下藍廠溝十數株抱大葉如捲葉

結子絲栗子大而黑

白花樹卽山枇杷野生開花不結子葉樹如水冬瓜縣

雷鉢坳二株抱大

白湛樹野生葉尖皮白肉微黃堅細美材

水紅樹野生葉如麻柳葉皮細肉紅初芽紅如花放老

仁壽縣志

卷二

食貨志

雷

而青雙馬石十數株四五圍大

巴豆樹野生雙馬石下踏水橋四五十株不能大蟲蝕

白菓樹野生汪場西白菓屋基一株兩抱大張家一株

大四抱榕附而生

核桃樹種生汪場東林壩一株四抱大

桂種生八月開花黃曰金桂白銀桂紅丹桂一種四季

花縣署中一株聖廟二株其一本抱大四歧各二圍大

其一本抱半大三歧各大兩三圍文廟一株兩歧皆兩

圍大學署二株各抱餘大鎮子場文昌宮二株三四圍

大祿加場愛蓮堂二株三圍大汪場林祠一株大三圍
半能仁寺二株大數抱根節盤錯花香數里

邵盪署桂詩天香迢遞送風來金粟初逢一樹開自
是仙家雲外種何年移向此中栽

枌有大葉小葉諸種

蓖麻野生幹赤枝杼又結子蕃斗可榨油十斤

夜合樹野生以爲梨彎三滙寺二株兩抱大一稍減

白蠟樹卽女貞宜稍枯瘠地出老山及鍾祥場周家坡
四五十里間茂密成林有夾江峩眉之勝石金岡南空

仁壽縣志

卷二

食貨志

三

心樹地一株兩抱大

榑野生一名菩提樹又呼油珠子樹質亦可去垢核黑
如漆圓而堅爲念佛珠外包皮黃以澣濯良治安阜門
右一株大兩抱

槐野生縣城武廟紅牆外右一株火神廟中一株翳嘶
山土主廟一株榕附而生城南郭家塘一株鎮子場文
昌宮二株嬾板橙一株汪場北東嶽觀一株南雙馬石
一株皆兩抱大

楓野生治北懷空寺礪漕壩七八株抱大汪場西濫河

壩十數株北白家崖一株皆大六七圍

梨樹種生大至抱不甚結果以爲鐫板棹面最良

絲栗樹野生雙馬石一株兩三抱大兩母山下廖山一株四抱且餘

紅豆樹野生治南曹溝上地名紅豆子樹二株四抱大一株空可避雨富加場姚宅一株可三抱大汪場白家崖一株垂抱大獨老濫河壩田塍十數株大七八圍高四五丈

綠豆樹野生隔年花結豆如家種綠豆稍長初綠老則

仁壽縣志

卷二

食貨志

三

紅味酸土謠先食綠豆後食枇杷二峩山下一株大兩尺餘圍枝葉如傘

梓卽茂梓葉圓而微尖紋理回旋樹身有刺材極堅一呼木梓出木梓山治北劉氏墓六株皆抱大三慧寺一株穿山洞一株抱餘大石佛寺溝劉宅左一株四抱大馬乾桑出通江水以北縣城一帶以爲薪

花楸或呼刺楸野生皮直縐肉理花紋葉如小梧桐葉光澤青青春晚花嬌紫如垂絲海棠富加場一帶盛穿山洞一株抱大

黃檀野生西關外陳氏塋四五株皆抱大

棗野生有酸棗太清觀前山李氏塋后一株六抱大中
空容數人布席坐碗廠上五里放生池邊一株兩抱大
汪場西漆坪一株兩抱大有雞棗汪場東林壩一株抱
大有甜棗或種生雷鉢坳前山一株大六七圍

榕呼黃葛樹伐其條種之生纍以石愈茂離奇異狀根
盤子肥魚葉蔭如蓋縣署前十株後將台四株廳署內
二株後一株前三株武廟二株觀音閣一株火神廟後
二株挹仙橋二株陝西館一株真武宮三株北門橋一

仁壽縣志

卷二

食貨志

三七

株觀音巖二株文廟一株馬落巖一株飛泉山前一株
美女山下一株分水舖二株朱家橋十七株大滑石禹
廟二株南華宮數株石佛廟一株和家場禹廟四株甘
泉鎮一株石金剛南雙土地四株祿家場川主廟二株
場南涼風丫二株西二株貴平寺五株能仁寺二株週
龍場三聖宮六株富加場天后宮一株松峰場西六株
有二株抱二十圍大楷附生輔英義學二株彌陀寺二
株涼風丫三株碗廠蓬萊閣後二株汪場禹廟三株金
輪宮三株楊氏祠後二株水巷口一株場東清壩一株

羅廟一株大墳場一株北鷗鶴山庄一株白崖東嶽廟
三株燕雀一株黃連坳一株金錢坳北張溝一株西七
郎坡一株寶珠場東土門寺三株南石壩嶺一株西甯
家壩一株鎮子場靈芝山五株場北一株南懶板橙一
株飛鳳崖二株穿山洞二株西來鳳山二株龍洞山一
株冷場涼峰仙嶺八株南小溪一株北唐宅一株白花
塘一株南鐵石坳一株高廟子一株石鉢子一株茶園
寺一株老鴉塘一株斷橋嶺一株北斗鎮大黃葛嶺一
株龍馬廟前一株張場黃連橋一株孫家坡一株杜家
仁壽縣志 卷二 食貨志 三

爲縣榕最

陳韶翁五皇場榕詩不材之木委蓬蒿誰如黃葛穿
雲高春秋一萬六千歲迥與大椿同其曹三面朱樓
結構牢障東孤立撐巨鼈初日沉沉射金碧午風獵
獵翻銀濤雪霜冰雹幾經遭根纏幹紐凝脂膏神寒

貌古生氣益俯視羣木如亂毛孤鵬捲翮甘避囂兼
喜餘蔭及李桃獨坐詎無馮異志相看頗有元龍豪
晚傍疎櫺揮兕毫深堂瓦冷燈光韜高枝好放明蟾
入聽我長歌樂陶陶

鉄籬笆樹本刺如針種爲籬歲久盤錯牢不破張家場
八里地名鉄籬笆一株大六七圍三丈許高

貓兒刺樹本出通江以北抵縣以南叢生二三尺高滿
刺利於針以爲籬貓兒不能入

食貨志

竹屬

斑竹卽淚竹邑產斑無亦或有蛇皮斑榦勁節長中空肌厚枝葉疎高三丈許八九寸圍老皮黃呼銅斑竹爲肩輿竿供煮鹽家最貴一種肉厚心小節稍短曰鉄斑竹治西白雲寺大幾尺餘圍

南竹南越由衙竹類圍或尺邑產厚肌長節最高大竹老堅如斑出清江水以南爲鹽井筒更貴

慈竹又名義竹子母竹叢生不離本節疎梢細於頭小

仁壽縣志

卷二

食貨志

罕

垂性柔軟人家種爲林盤清江水以北大可兩圍長四五丈呼蛇頭竹用皆資之亦曰甜慈一種曰苦慈節二尺長甚脆

筩竹一作筩堅勁促節而肉薄榦枝葉皆上粉長二丈許圍六七寸清江水以北較大貴如斑小利爲矛別名筩

筩竹俗稱硬頭筩實厚肥孔小幾實中皆大竹可爲茅舍樑柱

棘竹稱刺竹肉厚實中微心叢爲林根如椎輪節束針

亦曰筓竹清江水以北大尺圍二三圍五六丈高柱樑
草舍小爲矛利勝筋竹

紆竹生陵陽守居北巖蓋歧竹一未脫籜蝎傷一困嵌
巖東坡有與可紆竹跋

苦竹一曰油竹幹小而肌薄發生最早

水竹卽篁竹不能大疏葉黃皮

篲篠蓋細竹大不過如箭長丈止根杪條等中掃帚漁
竿菸竿

櫻竹純似櫻樹而小如指節二三寸長實心可爲杖所

仁壽縣志

卷二

食貨志

四

謂靈壽桃杖桃枝杖

紫竹種純黑亦呼黑竹

觀音竹細甚地種高四五尺盆中不過二尺餘蕭疎小
景可玩無可用處

卉
屬

著草出筮山如蒿叢高五六尺一本二十莖或五十條
直異眾蒿秋後有花出枝端紅紫如菊朶結實如艾實
莖滿百下龜守之上青雲護

臭草生通江水以北迄三父壩西竟大山叢如小林莽

倚爲薪蓋屋

菅茅屬皆遍老山茅蓋屋耐久逾稻芒菅滑澤無毛筋宜索綯葉柔紉爲屨與芒同

蓆草宜肥田鎮子場盛更長

燈心草一名龍鬚草苗圓長心白取然燈莖爲蓆一種無心曰蓆草只爲蓆

水蠟燭種池塘生葉如蒲中抽莖兩三尺長稍七八寸赤肉爛斑宛如燭可然火作照

蘆卽葭蓋葦未秀者鄉村溪汀所饒葉飼牛梗爲籬

仁壽縣志

卷二

食貨志

三

蕉多栽園林間

花屬

蘭生老山巖際樵徑絕處春晴微風一過清香聞數里遠有採得者一叢輒數大盆葉健色老如建蘭

蕙草青峰青林草叢中往往得之一莖數花香徹鼻

蟬草葉長大如蒲老山巖石間皆有

山躑躅花呼映山紅似杜鵑而大單瓣淺紅生老山巖間樹大如碗經樵人伐根壅腫如大鉢春抽枝開花爛熳紅映四山其小株指大者遍嶺谷

夾竹桃葉如竹花如桃縣署小花廳前雙株如一本各
三圍大

紫荊花家種一名滿條紅先花後葉自下而上鍾祥場
一帶最盛

紫薇花家種自五月至九月爛熳可愛一名百日紅
刺梅老山多野生花白或淡紅黃有梅子壩皆大株
辛夷長春芙蓉海梔山茶杜鵑牡丹茉莉菊葵海棠芍
藥鳳仙玉簪鳳冠雞冠水仙芸香凌霄老來紅狀元紅
夜來香魚子蘭年景月月紅諸花野生種生每園林中

仁壽縣志

卷二

食貨志

三

有之

榴花結子單花一種雙花小碗大紅英耀日一種海石
榴栽盆樹高尺許

木槿種籬落間花白如銀可煮食

薔薇生垣籬藤滿刺孟夏花香而豔

繡毬草本枝柯不彫花朵碗大色白赤藍

藥屬

何首烏出老山甘瀉氣平滋益肝血佐以燥土煖水之
品甚佳

文同詩此草有奇氣嘗聞於習之陵州亦舊產其地
尤所宜翠蔓走巖壁芳叢蔚參差下有根如拳赤白
相雄雌鬪之高秋後氣味乃不虧斷以苦竹刀蒸曝
九九爲夾羅下香屑石密相和治入臼杵萬遍盈盤
走纍纍日進豈厭屢初若無所滋漸久覺膚革鮮潤
如凝脂既已鬚髮換白者無一絲耳目固聰明步履
欲奔馳十年親友別忽見皆生疑問胡得爾術容貌
曾莫衰爲之講靈苗不爲世俗知蓋以多見賤蓬藿
同一虧君如聽予服此理不敢欺勿信柳子厚但誇

仁壽縣志

卷二

食貨志

罍

仙靈脾

續隨子一名百兩金今千金子五月五日采唐陵州貢
續隨其苗如大戟初生一莖莖端生葉葉中復出葉花
亦類大戟白葉中抽幹而生實青有殼秋種冬長春秀
夏實味辛微瀼泄水下痰去瘀掃腐

苦藥一名地不容一名解毒子苦寒泄熱行瘀蕩滌腸
胃之力莫比唐陵州貢苦藥永貞年中進蔓生葉青如
杏葉而厚硬凌冬不凋無花實櫛黃白色外皮微粗褐
色纍纍然連如藥實而圓大采無時

柴胡春分後葉茁如竹一叢數莖獨幹無枝名黑柴胡
味苦微寒清散鬱火

仙茅產老山葉如茅略潤根如小指黃白多涎高尺許
春初生八月花紅白無實味辛氣溫暖水榮木養生上
藥

石香柔一名石蘇生山巖石縫中二月八月采苗莖花
實

益母草卽萑菴詩中谷有萑今菟蔚野生味苦辛氣平
活血通脉破瘀掃腐女子良藥

仁壽縣志

卷二

食貨志

罌

苦蕒卽果羸野產結實者根太初生二年空蔓無實根
爲天花粉味甘微苦微寒清肺生津實益清心洗垢除
煩

蒺藜子野生白者性同沙苑味苦微溫斂精縮溺泄濕
驅風

牛膝野生味苦酸氣平利水通經性下行

青蒿野生苦寒清風退熱泄濕除蒸

夏枯草野生苦辛寒涼營泄熱散腫消堅鮮者熬膏佳
土茯苓生老山松林中不及雲南產亦味甘氣平外科

以利關節消壅腫

金銀花卽忍冬老山巖間自生藤花凌冬不凋又名鴛鴦草味辛微涼涼肝清肺消腫敗毒敷飲俱妙

貫仲出老山味苦微寒止血行瘀破積殺蟲

荆芥野生辛微溫散寒發表除風

車前草卽芡苳一名當道喜生牛馬跡或脰間醫家與苓澤並用

黃精出老山味甘善補脾精不生胃氣但助濕土動濁氣逆上

仁壽縣志

卷二

食貨志

異

使君子野生味甘微溫燥濕溫中疏木殺蟲每月上旬取仁數枚空腹食虫皆死

天冬產老山味苦氣寒清金化水最敗脾胃滑腸不可輕服

艾野生一名冰臺或名醫草灸草醫家用灸百病

粟殼種生鹹澹收斂肺腸并治遺精

菖蒲荃也堯時天降精於庭爲韭感百陰之氣爲菖蒲又曰堯韭切爲菹謂菖斲水際或石間生辛平開心益智下氣行鬱

茜草野生苦微寒卽染紅草根行瘀血斂新血跌傷瘡
痛俱治

澤蘭野生辛溫香散行血破瘀

胭脂野生甘平活血行瘀消腫止疼

三七出老山甘微苦行瘀血而斂新血

青箱子出老山清肝泄熱

穀精草田生苦微溫清風去目翳

燈心草種生淡平利水通淋泄濕開癰

白部出老山苦微寒清金潤肺利水殺蟲

仁壽縣志

卷二

食貨志

畧

紫蘇種生甘微溫下肺氣

常山野生苦寒泄水迭利能吐能下

浮萍水生辛寒發表出汗泄濕清風

薄荷種生辛涼善泄皮毛發表退熱

葦薈出老山苦平疏泄水道

狗脊出老山苦平泄腎肝濕氣

沙參產雲際山在張家橋里許甘微苦涼補肺中清氣

退頭上鬱火而無寒中敗土之弊多用則效

半夏出老山辛平降攝胃氣下濁陰衝逆排決水飲

土人參出老山蓬生引蔓根老煮食味甘微苦直補黃
庭中氣

葛根出老山甘辛涼解清陽明經府鬱火條暢而下達
苦參出老山苦寒清乙木殺蟲利壬水泄熱

黃芪出老山甘平補肺胃氣

細辛出老山辛溫最清氣道止咳通水源降衝

商陸出老山苦辛酸善治水氣腫脹

牛蒡子出老山辛平清散風濕消腫毒

蓖麻子出老山苦平性收引敷足下胎衣塗頂收子腸

仁壽縣志

卷二

食貨志

哭

貼鼻口喎斜熏咽喉腫痺熬膏貼膚拔毒追膿紙摵入
鼻開癰通閉

鬱金出治北滑石灘一帶種河壩生莖尺許葉長

藿香遍生辛微溫降逆止嘔開味下食

牽牛子野生甘寒逐痰泄水破堅決壅功甚猛

薑黃種生甘寒破血化癥消腫散毒

鉤藤出老山甘寒泄濕清風止驚安悸

菊花種生甘平清風止眩明目去翳

蘆根種生甘寒降逆止嘔清熱除煩

敗醬野生苦微寒善破瘀血排癰膿

牡丹皮野生苦辛微寒達木鬱清風行瘀血泄熱

猴薑一名骨碎補出老山苦溫泄濕通經筋斷骨折腎

泄牙疼耳鳴關節痛手足不仁并療

刺連野生東林間無刺交青神界爛壩沿溪生等雅連

一種呼土黃連卽貓兒刺根味苦瀉火

官桂出老山甘辛香溫大補血中溫氣善行滯結解肝

脾鬱升達而化陽神

杜仲出老山辛平益肝腎養筋骨

仁壽縣志

卷二

食貨志

晃

五加皮出老山辛溫逐濕通關壯筋骨

棟子一名金鈴子野生苦寒清肝泄熱利水殺蟲

吳茱萸野生辛苦溫溫中升清陽降濁陰

木通出老山辛平利水滲膀胱濕熱

木芙蓉秋日花四面紅中黃心又呼七星花多種村墟

味辛氣平清風泄濕涼血消毒塗飲俱善

金櫻子野生味鹹性瀉斂腸止泄固腎斷遺不宜肝鬱

家當升達藥並用

女貞子出老山苦平性溫煖補益精腎壯陽秘精

梔子出老山白花六出香如薰苦寒清心火膀胱水道
泄脾濕熱

巴豆子出老山大熱用治心胸積冷并冷氣上衝去皮
心炒研用數分隨飲冷水一杯

棕櫚毛苦瀉氣平收瀉之性最能止血燒灰存性用
桑椹子甘平利水滋木葉行瘀長髮明目枝治脚氣利
小便皮汁滅黑痣惡肉花瀉腸止嗽治吐衄崩帶根皮
清金泄濕斂營血寄生通經絡逐濕痺壯骨榮筋止血
通乳

仁壽縣志

卷二

食貨志

五

柏子仁辛香甘瀉乘燥金斂肅之氣而體質則極滋潤
能收攝神魂甯安驚悸滑腸開秘榮肝起痿明目聰耳
健膝強腰澤毛舒筋斂血止汗燥可泄濕潤亦清風塗
抹癬疥搽黃水瘡濕最效

松子仁甘辛氣平收瀉不及柏子仁滋潤過之潤燥清
風除濕開痺澤膚榮毛脂治癰疽疥癬瘡瘡血癭止痛
生肌排膿收口止崩除帶強筋固齒歷節疼痛陰囊濕
癢節治腰腿濕痺筋骨疼痛花止血

石榴皮酸瀉斂腸固腎瀉精止血

荆瀝甘平化痰泄熱止渴清風

淡竹葉出老山甘寒利水涼泄膀胱濕熱

竹瀝甘寒疏利胸膈煩燥開延膠粘不至滑泄腸胃

五倍子出老山酸平收肺除欬斂腸止利

鍾乳石出地洞甘溫消寒濕斂精血止嗽喘

石灰辛溫止血化積殺蟲驅寒濕可外用薰敷

毛屬

虎出老山國初最盛同治三年五月見大車堰自高石梯來眾逐往仙人山倒石橋去四年四月見貓兒崖大

仁壽縣志

卷二

食貨志

至

如黃犢一麥隴爲踐平有足跡椀大往楊家溝遁去五月見復興場柑子林食犬有童子遇之尾長而豎起不噬人鄉人五六十逐之曾胡砦後巖洞中產虎子俄嘯一聲皆遁走

豺嘉慶丙寅見魏坪逐入許家堰獲之咸豐七年突一獸狀如虎豹無斑或豺類莫敢搏俄逸去

兔梵書謂舍迦田野間多有

獺似狐而小青黑色一名水狗涂場東五里園木溝一帶土洞中多有

狐形似小黃狗鼻尖尾長俗呼毛狗

貓狸圓頭大尾毛雜黃黑而有斑善竊雞鴨土人謂之野貓

獾似小狗而肥尖喙矮足深毛褐色

鼠穴蟲總名家常鼠外有田鼠小目短項在土中行凡田中有細土墳起者皆此物能害禾古人迎貓驅之又名鼯松鼠短頸大尾食松毬又有竹鼯食竹根亦鼠種牛有黃牛近老山皆馱石炭水牛農家以耕田犁土均無殺而鬻於市者

仁壽縣志

卷二

食貨志

五

騾馬犬羊貓豕諸牲畜與他產同

羽屬

烏小嘴而純黑慈烏反哺大嘴白腹項鴉烏不祥方家場籍田楊柳場間頗多

雀棲簷瓦間不充食無弋者最害稼

燕多黑而大紫領而小者少

鶯謂黃栗留俗呼黃老鴉花時皆有

雉名野雞雄尾長羽毛五色雌有斑老山最多

布穀似鳩因聲似而呼如麥黃快割阿公阿婆脫却布

袴割麥插禾之類卽月令鳴鳩四月初以後聽者着忙自是鄉村人不得閑

鸚鵡呼八哥似鴟而有幘毛黑如鳩產鼓樓溝好田溝永字橋三八兒崖穴間飼之馴端午斷舌端以人舌端血點之能人言又有鳥似八哥尾較長數分毛色極黑獨止林木間鳴曰禍禍人惡聞或數日或數載不來杜鵑四月雨烟中處處聞聲似催耕鳥五月暮止報工雀似鶯春夏交間鳴似謂快點包穀又似好答報工酷肖農忙語聲

仁壽縣志

卷二

食貨志

三

反舌似鸚鵡而氣臭能反復爲百鳥音呼牛屎咧

練鵲似雌鵲而小黑褐色尾長如練帶禽經云帶鳥性仁又呼裙帶雀

伯勞鵲也呼馬伯鷄

戴勝大如伯勞褐色尾有歧能搏擊鳥鵲五更輒鳴曰架架格格至曙止呼鐵駕犁

桑扈觜微曲而厚或黃如蠟或白如脂又名竊脂畜其雛教作戲舞呼銅觜雀

鵲俗呼喜鵲

斑鳩喜棲竹林中不善巢又名拙婦鳥

山鵲狀如鵲而烏色有文采赤觜赤足尾長不能遠飛
呼山鷓

鷹以鷹擊故謂之鷹頂有毛角又名角鷹縣產多崖鷹
頭無角善竊鷄雛道光二十二年北斗鎮何家大柏林
有千餘集止嘗二十里外啄食陽鳥出便隱柏林至去
鷹出如故

鶉俗名鷓鶉善鬪縣多此鳥不甚畜

巧婦鳥小於雀詩謂桃蟲莊子謂鷓鶉亦善鬪呼黃脰

仁壽縣志

卷二

食貨志

雉

雀

鴿人家多有畜者詩所謂鴿

啄木鳥常見於大樹上啄聲如擊柝俗呼斲木官

竹雞似鷓鴣差小褐色多斑性好啼南人呼爲泥滑滑
因其聲也

秧雞大如小雞居田澤畔夏至後夜鳴達旦秋後卽止
白頭翁似雀而大頭有白毛

鵲鴿大如雀灰褐色飛必雙翔行則首尾動搖呼點水

雀

山鳥形如八哥能作種種禽音臆間有黑色圓長者善鳴眼紅者善鬪俗名烏翎

鳧似家鴨而小秋冬間獵取之味極肥美

鷺林棲水食潔白如雪謂之白鳥道光初白鶴林大柏林中有數千白鳥夜宿每度一更鬧不已天明四散去如是十餘年轉集涂場放馬溝大柏林道光末又轉集張家場大柏林

鷓鴣俗名打魚鴉深黑色能沒水捕魚漁人蓄之以爲業亦謂之烏鬼

仁壽縣志

卷二

食貨志

七

畫眉似鶯而小眉如畫巧作聲如百舌時有養之者以善鬪良

魚翠長喙禿尾集水涯間食魚毛羽深碧可愛土人羅之爲婦女首飾

鴟惡鳥大如鷹頭目如貓晝伏夜出其聲最惡初若呼後若笑所至多不祥

雞鴨鵝皆家禽畜之生蛋儘供食

鱗介屬

魚多而大者歸沱以崇柏淵爲最或鯁鯉鯪青波一尾

百斤或五六十斤二三十斤時一網得二三百斤有一
巨魚數年一見水面長二三丈羣魚鼓沫環而景從望
之如一小舟又一種味獨美魚而蛇曰白鱣兩三斤重
長二三尺不皆白或黑每通江水泥射淵底自浮水上
呼嗒魚行者盈背籠去清江玉荷灘三里沱多魚紅尾
而巨亦出白鱣魚張家橋里許放生池有數千萬尾魚
漁人不敢捕蠻坡洞穿龍洞出魚白鱣半鯉鯽正二月
捕尾三兩斤重又漏洞河洞魚長尺大者一尾二三斤
嘗以暑月三更出先有聲如雷作風吼冷氣一道洞外

仁壽縣志

卷二

食貨志

五

小沱捕魚人伺魚出以草塞洞口猶二三歸跳草上乃
令沱竭魚見天日皆死純黑色或鯽或鯉或鱖不一後
十日亦如之魚大出可得四五十斤歲爲常又有罈口
溪半里許魚洞洞口不盈三尺四時泉噴魚隨上出多
鯉多鱖鮮美逾常大者尾七八斤小亦二三斤重從不
斷龍潭壩桃花時魚出游大者尾七八斤小亦四五斤
龍灣河鐵鎖橋上下里許魚形如泥鰱微大而長色多
麻點極肥錦江大魚無常處塘魚惟藕塘盛大者尾重
數斤

黃鱔生溪田泥窟中狀如蛇而小多涎沫

鱔俗名泥鰍似鱔而小銳首肉身有泥臭氣不堪食
鰍本魚族或長竟寸

龜服氣無食飲視底甲可辨雌雄有養之數百年者

鼈俗呼腳魚謝安寺數武下深淵有鼈大如釜小鼈從
之數十百天久旱出則大雨

螺田間多有之含泥在腹二十年猶活蓋能伏氣飲露
蚌與蛤同類異形員曰蛤長者蚌

蟹生石窟中大或如盃

仁壽縣志

卷二

食貨志

七

蟲屬

蠶忌鼠迎貓以辟之清明取蠶子桑柴灰水澄清微溫
輕拂之厚絮包暖置棉被中或懷中數日生蠕蠕若蟻
采桑嫩極葉剪細飼四日頭微白不食曰初眠自初生
七日二眠又不食將退皮蠶四日一眠眠一次蠶大一
次三眠着意飼葉晝夜無間乃大起食葉愈健脫膚漸
黃光絲在其中二眠後蠶漸大即宜分箔禮具曲植籩
筐曲箔也植即蠶槌以架箔也籩圓器筐方器竹與葦
皆可編架高去地三尺許下可灸火自下而上五六層

室小尤便蠶至大起視食葉稍減中有瑩光者置一箔
先上簇蠶宜溫上簇時更宜加煖微火灸之毋太烈簇
以稻麥楷或竹篠葦縛如山將蠶通體晶徹者置其上
凡上簇勿遲遲則繭薄上簇三日皆成繭矣宜摘繭中
一蛹者獨繭雙蛹雙繭二三蛹同功繭獨繭雙繭堅白
者爲細絲同功繭及雜而薄爲粗絲爲帛其內漬漬濕
陰繭另置一處僅可爲帛凡繭尖細堅腰小雄也圓慢
厚腰大雌也相兼收簇中者爲佳近上絲薄近下不生
子取雙繭待蛾生子承之布或紙月直大火以鹽水沃

仁壽縣志

卷二 食貨志

五

其子謂醃蠶明年清明浴之其縑絲爲縑車

山蠶種產甯羌州近產河南大如鴨卵微薄產山東雞

子大微厚鬻歸穀雨前火薰繭種蛾隨出五色俱備雄

雌相媾生子子經宿出蠶先用牡荆黃荆編筐置蛾子出

折荆枝倚青岡樹蠶緣上食葉自養葉盡剪移他枝蠶

老卽於樹杪間作繭蠶性慧值風雨自藏葉下肥脆眾

鳥貪食其肉廣置木柝警以驅之山蠶絲兩季春絲爲

上織府綢次秋絲織雙絲作種出蛾之繭販新繁織縐

繭綢一歲兩收利倍家蠶

蜂鄉村壁橫懸桶開數小眼花時蜂採而入釀蜜桶數十斤外土蜂竹蜂馬蜂細腰蜂皆野生

蝻斯蝗屬俗呼油蚱蜢

蟋蟀似蝗而小善鬪

蟋蛄穴土而居短翅四足腹大羽小不善飛翔立夏後鳴如車聲喜就燈光俗名土狗

蜥蜴似蛇四足長五六寸又名蛇醫

蚍蜉一名鼠婦生濕地中

牽牛朗蟲名見村林秋夏間頭兩角嶄然六足四翼每

仁壽縣志

卷二

食貨志

五

夕陽鳴聲入遙岑外

蝦蟆田中渠側盛

鼃呼田雞水田生甚多

蛇湧泉山洞出最大鳴泉洞出亦大賈家菴倉樓下有
大幾二圍長三四丈且最多踏其樓有聲便出

蝙蝠產地洞中有大於盤者可斤重黃龍溪江左穿山
洞更斗大有一二通體白者汪場西蔡洞亦斗大無數
蝴蝶花時盛

蟬遍秋林間

貨屬

食鹽陵井鑿煎以後遍井猶有存者詳鹽政

茶出老山家園曰家園茶入瓦壺水煎久久色濃味厚清且香

石炭出縣南百餘里櫃巖盤溝倒筒溝張溝韋溝曹溝余溝青甯寺茶店子五皇廟吳山馬頸坳天燈坡東溝紙廠溝等處皆老山深巖各有硎頭設爲廠一廠雇二三十人鑿硎挖拖硎高不踰三尺炭空卽爲支撐深數里或十餘里有天炭腰炭底炭皆有脈一人挖一人拖

仁壽縣志

卷二

食貨志

卒

出廠大更多人硎無光然桐油火壺陰氣襲人硎口晝夜扇或有水厚之乾炭脈低下梯而下上最苦役往往崩巖壓人死不出炭行縣及近山鄉場遠至羅泉井井研地界煮鹽不止供炊代薪東林附近窮民無耕貿力一牛一人負載四賣資生活不下數千家

南炭卽油黑石炭火之紅令透微水漬熄仍大塊淺黑色以鑄鑊

枯炭蕨薇和小柴薪燒成亦潑水令勿燼灰以供烘籠岡炭伐青岡木燒之透浸熄火完然柴塊多出老山林

中不止鑄鍋利用

草皮炭實土微黑亦出老山盡面浮鏟曝散爲末枯炭引之紅養火再晝夜不滅及滅皆化白灰

油有青油榨油菜子出亦曰菜油可煉食爲燈爲燭桐油桐子出耐久然火或熬如漆用捲油捲卽烏柏油只爲燭豬油通食芝麻油貴而稀又出花生油檫油罌粟油俱不貴

蠟出白臘樹置蟲枝上久取皮煎皆蠟

菸香味不及什邡等地產古佛洞黃龍溪一帶遍種將

仁壽縣志

卷二

食貨志

三

采都種御麥其間

罌粟文公菴鎮金橋縱橫七八十里最盛半舊種紅花地

木棉吉貝草花四月種八月收惡秋雨多利等種畝可二十斤通江清江中間土產最佳道光庚子後龍橋觀音寺一帶亦種花甚茂但堆垛不及或花不開滿秋葉通曰棉花又曰白花又有紫花白花筋絲甲廣花可線可布富場五皇一帶七八月葉落果現一秋陽花放如雪鎮場觀音等處亦茂只葉不先凋雨淋淋花便過

絲甲通省八九練分兩獨饒縑以田水色倍光澤而白或斷可引而長一綸便接錦城稱仁壽絲獨有力以爲經他處產作緯唐陵州進鵝溪絹出梓州元武縣之鵝溪近汪場出大綢縐

苧叢生葉似楮莖高五六尺種田塍園土一年培根可收十載歲三刮其皮績爲麻作夏布出東林汪場利不及木棉多

葛蔓延長取治可作絺綌不如麻布柔細而白唐陵州貢細葛五疋

仁壽縣志

卷二

食貨志

三

藍染草稱藍子宜陰黑油沙土令深鬆而細剪舊莖尺許種又無根生兩母山一帶遍栽數刈葉爲靛畝得葉十斤利數倍種穀通江以北亦種爲河靛不及老山靛紅花染草安下多順和間種東林無利倍白花

薑黃尖茶溪滑石灘一帶山土最盛莖尺許葉長大如菸肥地畝可三四百斤以爲染

五倍子青岡子出老山烏柏葉出安下均染青紅土出紅土埂丹沙出丹沙山所謂丹砂出其坂金剛藤茜草出老山均染赤黑子皮出老山染綠

土粉出龍灘堰及挖斷山中泥細白如粉有白泥廠研之澣衣潔漿之勝白米粉

麩金俗名沙金採於導江水唐神龍元年起陵州貢麩金

鐵蒲亭縣有鐵山諸葛亮取爲刀器

硝清水河以南一帶地硃最廣咸豐末滇匪亂鄉團取洞中土出水澄漿熬卽硝

石灰清江水南松峯場以下及查場伐黑礦石入窑煤火燒三日白如雪仍石塊見風水化灰以粉屋煖罈造

仁壽縣志

卷二

食貨志

三

紙釀靛用甚廣

紙出東林取嫩竹卽乾亦可和稻芒搗爛如泥下石池水浸入石灰澄之攪漿隨筋鋪匣層層揭爲紙質粗色黃厚薄寬窄皆適用窮民費工不費本紙戶以夥

碗出碗廠場始康熙初馬和先輩廠沿溪巖石不一里伐而牛碾爲末入池澄漿如磁半乾車作碗及盃盤鉢盆方寸匕香爐燈台蠟台花瓶香筒茶罈諸器描以雲南石墨乃入窑火之一日夜皆大塊柴取出色白花如靚其池渣投之溪他處石率不可用每廠家匠作數十

皆遠人運柴米牛草日不斷窮而待舉火者不啻數百家頗行遠近厥多至二三十家

鑄鑄出窑山黃土爲之縣楊柳場地亦出

沙鍋鑄出大墳場和場一帶沙土和炭灰爲之

鐵鍋鑄亦夥

仁壽縣志

卷二

食貨志

鑄

仁壽縣志卷二終